

**BOSNA I HERCEGOVINA
FEDERACIJA BOSNE I HERCEGOVINE
PARLAMENT FEDERACIJE
DOM NARODA**

**Odbor za ekonomsku i razvojnu politiku,
finansije i budžet**

Broj: 02/11-02-961/21

Sarajevo, 29.04.2021. godine

**DOMU NARODA
PARLAMENTA FEDERACIJE BIH**

Na 15. sjednici Odbora za ekonomsku i razvojnu politiku, finansije i budžet Doma naroda Parlamenta Federacije BiH održanoj 29. aprila 2021. godine razmatrane su sljedeće tačke dnevnog reda:

- 1. Prijedlog zakona o stečaju- hitni postupak,**
- 2. Prijedlog Zakona o izmjenama i dopunama zakona o finansijskoj konsolidaciji privrednih društava u Federaciji BiH - skraćeni postupak,**
- 3. Nacrt zakona o izmjenama i dopunama Zakona o deviznom poslovanju,**
- 4. Nacrt zakona o izmjenama i dopunama Zakona o lizingu,**
- 5. Prijedlog odluke o prihvatanju zaduženja po Sporazumu o kreditnoj liniji (makrofinansijska pomoć za Bosnu i Hercegovinu) između Evropske unije (kao zajmodavca) i Bosne i Hercegovine (kao zajmoprimca) i Centralne banke Bosne i Hercegovine (kao agenta zajmoprimca),**
- 6. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta oporavka i podrške firmama,**
- 7. Prijedlog odluke o davanju saglasnosti na Rebalans Finansijskog plana Zavoda za transfuzijsku medicinu Federacije Bosne i Hercegovine za 2020. godinu,**
- 8. Prijedlog odluke o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2021. godinu,**
- 9. Odluka o izdvajanju sredstava u Fond solidarnosti Federacije Bosne i Hercegovine za 2021. godinu.**

Na osnovu člana 51. Poslovnika o radu Doma naroda Parlamenta Federacije BiH ("Službene novine Federacije BiH", broj 27/03, 21/09 i 24/20) Odbor za ekonomsku i razvojnu politiku, finansije i budžet podnosi Domu naroda sljedeći:

I Z V J E Š T A J

1. Prijedlog zakona o stečaju- hitni postupak

Članovi Odbora upoznati su s amandmanima koje je Vlada Federacije BiH prihvatila te su postali sastavni dio teksta Prijedloga zakona. Prijedlog sadrži zakonska rješenja neophodna za otklanjanje štetnih posljedica u poslovanju po poslovne subjekte nastale kao rezultat pandemije izazvane coronavirusom (COVID-19). Uvodi se predstečajni postupak kao potpuno nova faza sudskog postupka, a u cilju revitalizacije poslovnih subjekata koji

se susreću sa određenim poteškoćama u poslovanju kako bi poslovni subjekat ponovno nastavio sa normalnim radom.

U cilju otklanjanja štetnih posljedica po poslovne subjekte u Federaciji BiH, odnosno privredu u Federaciji BiH, kao i radi što bržeg privrednog oporavka Federacije BiH, članovi Odbora predlažu Domu naroda da razmori i usvoji Prijedlog zakona o stečaju po hitnom postupku.

2. Prijedlog Zakona o izmjenama i dopunama zakona o finansijskoj konsolidaciji privrednih društava u Federaciji BiH - skraćeni postupak

Članovi odbora zaključili su da se usvajanjem predloženih izmjena omogućava privrednim društvima da u roku od dodatne dvije godine, odnosno do 31.12.2023. godine, izvrše sve aktivnosti vezane za primjenu Zakona o finansijskoj konsolidaciji privrednih društava u Federaciji Bosne i Hercegovine, kao i da se omogućava drugim privrednim društvima koja posluju sa poteškoćama da u roku do 31.12.2022. godine, da mogu podnijeti zahtjeve za odobravanje postupka finansijske konsolidacije.

Imajući u vidu navedene razloge, članovi Odbora predlažu Domu naroda da razmotri i usvoji Prijedlog Zakona o izmjenama i dopunama zakona o finansijskoj konsolidaciji privrednih društava u Federaciji BiH po skraćenom postupku, kako je predložila Vlada Federacije BiH.

3. Nacrt zakona o izmjenama i dopunama Zakona o deviznom poslovanju

Cilj izmjena i dopuna Nacrta zakona je detaljnije definiranje rezidenta, finansijskih kredita, drugih fizički prenosivih instrumenata plaćanja, načina prijave i prijenosa instrumenata plaćanja, njihovo oduzimanje i deponovanje, definiranja deviznog tržišta, kao i ispunjavanje obaveza iz Akcionog plana Bosne i Hercegovine za otklanjanje nedostataka u borbi protiv pranja novca, a radi harmonizacije sistema sprečavanja pranja novca i sprečavanja finansiranja terorizma.

Članovi Odbora obavili su raspravu o navedenom Nacrtu zakona, te predlažu Domu naroda da razmotri i prihvati sljedeći

Z A K L J U Č A K

- 1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o deviznom poslovanju i smatra da može poslužiti kao osnova za izradu Prijedloga zakona.**
- 2. Zadužuje se predlagač da organizuje i provede javnu raspravu u trajanju od 90 dana.**
- 3. Zadužuje se predlagač da, prilikom izrade Prijedloga zakona, ima u vidu primjedbe, prijedloge i sugestije iznesene u raspravi kao i one koje su dostavljene ili će biti dostavljene u pisanoj formi.**

4. Nacrt zakona o izmjenama i dopunama Zakona o lizingu

Razlozi za donošenje izmjena i dopuna Zakona o lizingu su iskazani u potrebi usklađivanja ovog zakona sa novim Zakonom o bankama, Zakonom o Agenciji za bankarstvo i Zakonom o faktoringu, odnosno do usklađivanja odredbi koje se tiču kupoprodaje plasmana i nadzor istih, kao i odredbe koje se tiče žalbenog postupka.

Članovi Odbora obavili su raspravu o navedenom Nacrtu zakona, te predlažu Domu naroda da razmotri i prihvati sljedeći:

ZAKLJUČAK

- 1. Dom naroda Parlamenta Federacije Bosne i Hercegovine prihvata Nacrt zakona o izmjenama i dopunama Zakona o lizingu i smatra da može poslužiti kao osnova za izradu Prijedloga zakona.**
- 2. Zadužuje se predlagač da organizuje i provede javnu raspravu u trajanju od 90 dana.**
- 3. Zadužuje se predlagač da, prilikom izrade Prijedloga zakona, ima u vidu primjedbe, prijedloge i sugestije iznesene u raspravi kao i one koje su dostavljene ili će biti dostavljene u pisanoj formi.**
- 5. Prijedlog odluke o prihvatanju zaduženja po Sporazumu o kreditnoj liniji (makrofinansijska pomoć za Bosnu i Hercegovinu) između Evropske unije (kao zajmodavca) i Bosne i Hercegovine (kao zajmoprimca) i Centralne banke Bosne i Hercegovine (kao agenta zajmoprimca)**
6. Zbog neprisustvovanja predlagača sjednici Odbora, članovi Odbora, u skladu sa članom 50. Poslovnika o radu, nisu razmatrali navedenu tačku dnevnog reda, te će svoje primjedbe i sugestije pojedinačno iznijeti u raspravi na sjednici Doma naroda.
- 7. Prijedlog odluke o prihvatanju zaduženja po Sporazumu o zajmu između Bosne i Hercegovine i Međunarodne banke za obnovu i razvoj (IBRD) za realizaciju Projekta oporavka i podrške firmama**

Zbog neprisustvovanja predlagača sjednici Odbora, članovi Odbora, u skladu sa članom 50. Poslovnika o radu, nisu razmatrali navedenu tačku dnevnog reda, te će svoje primjedbe i sugestije pojedinačno iznijeti u raspravi na sjednici Doma naroda.

- 8. Prijedlog odluke o davanju saglasnosti na Rebalans Finansijskog plana Zavoda za transfuzijsku medicinu Federacije Bosne i Hercegovine za 2020. godinu**

Članovi Odbora predlažu Domu naroda da razmotri i donese Odluku o davanju saglasnosti na Rebalans Finansijskog plana Zavoda za transfuzijsku medicinu Federacije Bosne i Hercegovine za 2020. godinu.

- 9. Prijedlog odluke o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2021. godinu**

Članovi Odbora predlažu Domu naroda da razmotri i donese Odluku o davanju saglasnosti na Finansijski plan Zavoda za transfuzijsku medicinu Federacije Bosne i Hercegovine za 2021. godinu uz sljedeći:

ZAKLJUČAK

Dom naroda Parlamenta Federacije BiH obavezuje Vladu Federacije BiH da prilikom izrade Rebalansa Budžeta Federacije BiH za 2021. godinu osigura dodatna finansijska sredstva Zavodu za transfuzijsku medicinu Federacije BiH u iznosu od 375.000 KM za nabavku opreme.

10. Odluka o izdvajanju sredstava u Fond solidarnosti Federacije Bosne i Hercegovine za 2021. godinu

Članovi Odbora predlažu Domu naroda da razmotri i primi k znanju Odluku o izdvajanju sredstava u Fond solidarnosti Federacije Bosne i Hercegovine za 2021. godinu.

Za izvjestioca na sjednici Doma naroda ispred Odbora za ekonomsku i razvojnu politiku, finansije i budžet određen je Fahrudin Skopljak, predsjednik Odbora.

Predsjednik
Odbora za ekonomsku i razvojnu politiku,
finansije i budžet

Fahrudin Skopljak, s.r.